

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 322. sjednici, održanoj 07.07.2022. godine, donosi

ZAKLJUČAK

1. Usvaja se tekst Javnog poziva za zaključenje vansudske nagodbe u 2022. godini, tekst Zahtjeva za zaključenje vansudske nagodbe u 2022. godini, kao i tekstovi (ukupno 3) tipskih ugovora o vansudskoj nagodbi za izmirenje obaveza proizašlih iz radnih odnosa utvrđenih pravosnažnim i izvršnim sudskim odlukama prema zaposlenicima/penzionerima/njihovim nasljednicima i advokatskim kancelarijama-punomoćnicima i to pod oznakama: „A“, „B“, i „C“.

2. Zadužuju se rukovodioci federalnih organa i institucija da u postupku vansudske nagodbe primjenjuju Uputstvo za zaključenje i izvršenje ugovora o vansudskoj nagodbi u 2022. godini kao i odredbe teksta Javnog poziva za zaključenje vansudske nagodbe u 2022. godini.

3. Ovlašćuju se rukovodioci federalnih organa i institucija da po zahtjevima za zaključenje vansudske nagodbe u 2022. godini, čijom provjerom je utvrđena opravdanost potraživanja, potpisuju odgovarajuće verzije tekstova tipskih ugovora o vansudskoj nagodbi za izmirenje obaveza proizašlih iz radnih odnosa utvrđenih pravosnažnim i izvršnim sudskim odlukama na način kako je propisano Uputstvom za zaključenje i izvršenje ugovora o vansudskoj nagodbi u 2022. godini.

4. Zadužuje se Generalni sekretarijat Vlade Federacije Bosne i Hercegovine da:

a) Dostavi federalnim organima i institucijama, kao i Samostalnom sindikatu državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, sljedeće akte:

a. Javni poziv za zaključenje vansudske nagodbe u 2022. godini,

b. Zahtjev za zaključenje vansudske nagodbe u 2022. godini,

c. tekstove tipskih ugovora o vansudskoj nagodbi pod oznakama „A“, „B“ i „C“,

d. Uputstvo za zaključenje i izvršenje ugovora o vansudskoj nagodbi u 2022. godini,

e. Odluku Vlade Federacije Bosne i Hercegovine o davanju saglasnosti na Uputstvo za zaključenje i izvršenje ugovora o vansudskoj nagodbi u 2022. godini.

b) Objavi u najmanje četiri (4) dnevna lista Javni poziv za zaključenje vansudske nagodbe u 2022. godini.

5. Zadužuje se Ured Vlade Federacije Bosne i Hercegovine za odnose sa javnošću da na web stranici Vlade Federacije Bosne i Hercegovine objavi:

- Javni poziv za zaključenje vansudske nagodbe u 2022. godini
- Zahtjev za zaključenje vansudske nagodbe u 2022. godini
- tekstove tipskih ugovora o vansudskoj nagodbi pod oznakama „A“, „B“ i „C“
- Uputstvo za zaključenje i izvršenje ugovora o vansudskoj nagodbi u 2022. godini.

6. Zadužuje se Federalno ministarstvo finansija da zaprima mjesečne izvještaje institucija i organa Federacije Bosne i Hercegovine o realizaciji vansudske nagodbe te u direktnom kontaktu sa njihovim rukovodiocima kad god se steknu uslovi pripremi i Vladi Federacije Bosne i Hercegovine dostavi na razmatranje odluke o preraspodjeli sredstava u korist onih organa i institucija Federacije Bosne i Hercegovine kojima ta sredstva nedostaju, a zbog iskazanog većeg interesa za potpisivanje ugovora o vansudskoj nagodbi.

7. Zadužuju se rukovodioci federalnih organa i institucija da Federalnom ministarstvu finansija i Uredu premijera Federacije Bosne i Hercegovine dostavljaju mjesečne izvještaje o realizaciji vansudske nagodbe u skladu sa uputama iz Uputstva za zaključenje i izvršenje ugovora o vansudskoj nagodbi u 2022. godini.

8. Ovaj zaključak stupa na snagu danom donošenja.

V. broj: 1047 /2022
07.07.2022. godine
Sarajevo

